

曹子建詩注

曹子建詩注

二卷

孝威



曹子建詩注

版權所有

中華民國十九年四月初版

回每冊定價大洋壹元貳角

外埠酌加運費匯費

選注者

黃

節

發行兼
印刷者

上海
商務印

書館
寶山路

發行所

上海
商務印

書館
各埠

序

壬戌之秋余在大學說陳王詩始爲之注其時學校常輟學旣委講未卒業逾年余箋漢魏詩采陳王樂府諸篇注之亦少具矣閱五年丙寅秋復說陳王詩乃重爲之注甫及半余大病幾死自丁卯正月迄夏而瘳弱不任講終暑期解學是秋余謝校事遂使諸生闕然於陳王之詩甚慊慊也入冬體氣復元檢昔之所爲注重復理之而削綴者又十之四五至歲除而畢嗟夫余何勤乎陳王之詩也陳王本國風之變發樂府之奇驅屈宋之辭析楊馬之賦而爲詩六代以前莫大乎陳王矣至其閔風俗之薄哀民生之艱樹人倫之式極情於神僊而義深於朋友則又見乎辭之表者雖百世可思也鍾記室品其詩譬以人倫之有周孔至矣哉考四庫全書提要曹子建集凡詩七十四首

而嚴鐵橋曹集校輯乃稱蒐括羣書所載得詩百二十一
首朱述之曹集攷異第五六卷詩樂府凡一百有一首而
失題各詩及樂府佚句不與焉余是編取詩與樂府七十
一首其目次略依朱氏自餘朱氏所錄如詩七步詩代劉
勳妻王宋詩寡婦
詩七哀死牛詩七
題各詩善哉行君
行長歌行遠遊篇
妾薄相行秋胡行
善哉行陌上桑樂
府佚句前緩聲歌
凡三十三目皆所不注以其有傳訛者誤入者疑存者複
增者斷落不完者無取乎畸零輳雜爲也嗟夫陳王詩曰
孔氏刪詩書王業粲已分騁我逕寸翰流藻垂華芬余讀
之而悲蓋悲乎人之不如鱗蟲自昔而然也後之讀余是
注者儻亦有悲余之悲陳王者乎戊辰春正月初四日黃
節序

陳思王傳

陳壽

陳思王植字子建年十歲餘誦讀詩論及辭賦數十萬言
善屬文太祖嘗視其文謂植曰汝倩人邪植跪曰言出爲
論下筆成章顧當面試奈何倩人時鄴銅爵臺新成太祖
悉將諸子登臺使各爲賦植援筆立成可觀太祖甚異之
性簡易不治威儀輿馬服飾不尙華麗每進見難問應聲
而對特見寵愛建安十六年封平原侯十九年徙封臨菑
侯太祖征孫權使植留守鄴戒之曰吾昔爲頓丘令年二
十三思此時所行無悔於今今汝年亦二十三矣可不勉
與植旣以才見異而丁儀丁廙楊修等爲之羽翼太祖狐
疑幾爲太子者數矣而植任性而行不自彫勵飲酒不節
文帝御之以術矯情自飾宮人左右並爲之說故遂定爲
嗣二十二年增置邑五千并前萬戶植嘗乘車行馳道中

開司馬門出太祖大怒公車令坐死由是重諸侯科禁而植寵日衰太祖既慮終始之變以楊修頗有才策而又袁氏之甥也於是以罪誅修植益內不自安二十四年曹仁爲關羽所圍太祖以植爲南中郎將行征虜將軍欲遣救仁呼有所勅戒植醉不能受命於是悔而罷之文帝卽王位誅丁儀丁廙并其男口植與諸侯並就國黃初二年監國謁者灌均希旨奏植醉酒悖慢劫脅使者有司請治罪帝以太后故貶爵安鄉侯其年改封鄆城侯三年立爲鄆城王邑二千五百戶四年徙封雍丘王其年朝京都上䟽帝嘉其辭義優詔答勉之六年帝東征還過雍丘幸植宮增戶五百太和元年徙封浚儀二年復還雍丘植常自憤怨抱利器而無所施上䟽求自試三年徙封東阿五年復上䟽求存問親戚詔報曰蓋教化所由各有隆弊非皆善

始而惡終也事使之然故夫忠厚仁及草木則行葦之詩
作恩澤衰薄不親九族則角弓之章刺今令諸國兄弟情
禮簡怠妃妾之家膏沐疏略縱不能敦而睦之王援古喻
義備悉矣何言精誠不足以感通哉夫明貴賤崇親親禮
賢良順少長國之綱紀本無禁固諸國通問之詔也矯枉
過正下吏懼謹以至於此耳已勅有司如王所訴植復上
疏陳審舉之義帝輒優文答報其年冬詔諸王朝六年正
月其二月以陳四縣封植爲陳王邑三千五百戶植每欲
求別見獨談論及時政幸冀試用終不能得既還悵然絕
望時法制待藩國旣自峻迫寮屬皆賈豎下才兵人給其
殘老大數不過二百人又植以前過事事復減半十一年
中而三徙都常汲汲無歡遂發疾薨時年四十一遺令薄
葬以小子志保家之主也欲立之初植登魚山臨東阿喟

然有終焉之心遂營爲墓子志嗣徙封濟北王景初中詔
曰陳思王昔雖有過失旣克己愼行以補前闕且自少至
終篇籍不離於手誠難能也其收黃初中諸奏植罪狀公
卿已下議尙書中書祕書三府大鴻臚者皆削除之撰錄
植前後所著賦頌詩銘雜論凡百餘篇副藏內外志累增
邑并前九百九十戶

曹子建詩注目錄

卷一

詩

公讌

侍太子坐

七哀

鬪雞詩

元會詩

送應氏詩二首

雜詩六首

喜雨

離友詩二首

責躬詩

應詔詩

贈徐幹

贈丁儀

贈王粲

贈丁儀王粲

贈白馬王彪

贈丁翼

朔風詩

矯志詩

雜詩

三良詩

情詩

棄婦詩

卷二

樂府

塋篋引

升天行二首

僊人篇

妾薄命行二首

白馬篇

名都篇

薤露篇

豫章行二首

美女篇

遊僊

五遊詠

泰山梁甫行

丹霞蔽日行

怨歌行

平陵東

苦思行

遠遊篇

吁嗟篇

鰕鰕篇

種葛篇

浮萍篇

惟漢行

當來日大難

野田黃雀行

門有萬里客行

桂之樹行

當牆欲高行

當欲遊南山行

當事君行

當車已駕行

飛龍篇

盤石篇

驅車篇

聖皇篇

以下輦鼓歌五篇

靈芝篇

大魏篇

精微篇

子孟冬篇

曹子建詩注卷一

順德黃 節注

詩

公讌呂延濟曰公讌者臣下在公家侍

公子愛敬文選作敬愛客終宴御覽作夜不知疲清夜游西園飛蓋

相追隨明月澄清景列宿正參差秋蘭被長坂朱華冒綠

初學記作淥池潛魚躍清波好鳥鳴高枝神飈接丹轂輕輦隨

風移飄飄放志意千秋張作古長若斯

李善注曰公說文謂文帝時武帝在謂五官中郎也字

華芳蓉也毛萇詩傳曰景帝時武帝在謂五官中郎也字

丹吾轂也古詩曰蕩滌放情志戰國策曰犀首為張儀

千秋之祝漢書光武帝紀曰每旦視朝日側乃罷數

節補注後漢書光武帝紀曰每旦視朝日側乃罷數

引公卿郎將講論經理夜分乃寐帝曰我自樂此不

為疲也張載魏都賦注曰文昌殿西有銅爵園中

有魚池節案文辭招魂曰皋蘭被徑今斯路漸王逸

蓋銅爵園也楚辭招魂曰皋蘭被徑今斯路漸王逸

曹子建詩注 卷一 蒹葭樓叢書

璞注曰被覆也爾雅釋地曰可食者曰遠舉今雲中王阪郭
注曰森去疾貌李周翰曰飆疾風也言其疾如神司
馬相如賦曰飄飄神舉逞風歷駭森乘虛無與神俱張
衡思玄賦曰兩飄飄即神舉逞風歷駭森乘虛無與神俱
蓉池句清夜兩飄飄即神舉逞風歷駭森乘虛無與神俱
和驚風扶輪和飛霞來翔月華出雲間好鳥神遊快
心意保已終百年方東樹曰子建就帝語衍為頌祝
蓋不得爾

侍太子坐

魏志文帝諱丕字子桓建安十六年為五官中郎將二十二年立為魏太子

白日曜青春

御覽時作微覽雨靜作御覽飛塵寒冰辟炎景涼

風飄我身清醴盈金觴肴饌縱橫陳齊人進奇樂歌者出

西秦翩翩我公子機巧忽若神

節注楚辭大招曰青春受謝白日昭只王逸注曰言
歲始春青帝用事盛陰已去少陽受之則日色黃白
昭然光明陳思此詩作於夏去日初學記曰春者謂雨後
日出可愛如春亦以喻太子夏也飄風今驅使涼雨
春宮太子宮也又九歌曰熱氣也飄風今驅使涼雨
灑塵鄭玄毛詩箋曰炎熱氣也飄風今驅使涼雨
者曰風八十人皆衣文衣而舞康樂曰文馬三十駟遺魯君